



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Originvm Monasticarvm Libri IV.**

**Le Mire, Aubert**

**Coloniae Agrippinae, 1620**

Liber IV. Clericorvm Regvlarium Congregationes variæ.

**urn:nbn:de:hbz:466:1-11249**

CLERICORVM  
**REGVLARIVM**  
 CONGREGATIONES  
 Variæ.

## LIBER IV.

## CAPVT I.

*Congregatio Barnabitarum, itemque al-  
 tera Somaſchenſium Clericorum, per B.  
 Hieronymum AEmilianum circa  
 an. 1532. inſtituta.*



Nostri patrumque memoria  
 vt varij monachorum ordi-  
 nes veterem disciplinam in v-  
 lum reuocarunt, sic & variæ  
 Clericorum seu Presbytero-  
 rum sæcularium, vt vocant,  
 Congregationes sunt exortę,  
 qui more Apostolico in communi viuentes  
 quandam primitiuę Ecclesię faciem repre-  
 sentant.

*Barnabitarum seu Apostolicorum antiquissi-*

S 2 ma

ma familia apud Italos nunc sub S. Augustini regula militat ex decreto Innocētij VIII. qui an. 1484. illis regulam S. Augustini præscripsit. Refert ea Congregatio sua initia ad S. Barnabam Apostolum.

Sunt & aliæ aliquot in Italia Clericorum reformatorū familiæ, vt *Somaschensis*, *Theatina*, & aliæ. de quibus ex ordine acturus, pauca præmittam de B. Hieronymo Aemiliano Somaschensis congregationis parente ac conditore.

Beatus Hieronymus AEmilianus, patricius Venetus, varijs pro Republica Veneta muneribus egregiè perfunctus, bello ex Cameracensi fœdere aduersùs Venetos æstuante ad fines ipsorum tutandos destinatur, qui ab exercitu Maximiliani Cæsaris in Castro nouo obsessus, captus & vinculis constrictus, opè Sactissimæ Virginis Deiparæ eripitur, ac per medios hostes deductus, Taruifium incolu- mis peruenit. Tanti autem haud immemor beneficij, patrimonio pauperibus distributo, vale dicens sæculo, in pietatis officijs se ipsum cœpit exercere. Itaque non modò Venetijs, sed & in alijs Italiæ vrbibus, pueros parentibus destitutos, in vnum collectos in extructis à se ædibus alendos curauit; quod & circa puellas præstitit. Multis autem peragratis vrbibus, in *Somaschæ* castro (quod inter Bergomum & Larium lacum occurrit) demum substitit, ibique multis ad eum confluentibus

alum-

alumnis congregationis Somaschenfis fundamenta iecit, multis fulgens miraculis. Nam cum fame multi in proximis regionibus ob victus inopiam conficerentur, ipse pane in gremio suo diuinitus aucto non solum suos, sed etiam exteros quosque aduentantes pa- uuit. Ita verò dæmonibus erat formidolosus, ut eos è multis obsessorum ad eum caterua- tim aduenientiū corporibus eijceret. Spiritu quoque Prophetico afflatus, multa, quæ ita euenere, prædixit. Denique obitus sui præ- sciens, annum quinquagesimum agens ætatis, 9. Martij cessit è vita, anno reparationis no- 1537. stræ millesimo quingentesimo tricesimo sep- timo. Ita Philippus Ferrarius in Catalogo SS. Italiæ, ex eius Vita per Andream Stellam, e- iusdem Congregationis Præfectum gene- ralem scripta.

Officio nondum colitur Ecclesiastico: se- pulcrum tamen eius in multo est honore, ob varia miracula ibi patrata.

## CAPVT II.

*Congregatio Clericorum  
S. Pauli.*

Congregatio Clericorum S. Pauli, apud Italos pariter florens, an. 1533. à Clemente VII. est confirmata: à quo sit instituta, certo nondum comperi.

## CAPVT III.

*De Theatinorum origine.*

**C**Lericorum Regularium, quos Theatinos vocant, ordinem instituit Ioannes Petrus Caraffa, qui postea Paulus IV. Papa est appellatus. Is & generis nobilitate, & litterarum eruditione spectatissimus, cum esset Theatinus in regno Neapolitano Episcopus, relicto Episcopatu, cum alijs tribus æque pijs ac nobilibus viris, Caietano Thianæo, Bonifacio à Colle, & Paulo consiliario, familiam regularem, ab Episcopo ceteris clariore Theatinam dictam, Condidit. De Paulo IV. & tribus eius socijs exstant Collectanea Historica, per Antonium Caraccioli, eiusdem sodalitijs clericum, an. 1612. Coloniae publicata. Theatinorum institutum anno 1524. Clemens VII. confirmauit.

## CAPVT IV.

*De Societate Iesu.*

**S**ocietas Iesu, magno vniuersæ Ecclesiæ bono, per totum terrarum orbem diffusa, conditorem post Deum agnoscit  
Bea-

Beatum Ignatium Loiolam, nobili genere apud Cantabros natum: qui anno 1534. socios aliquot sibi primùm adiunxit. Ipsam societatem Paulus III. Papa anno 1540. confirmavit, diplomate solemni edito. Eius Historiam elegantissimo stylo conscripsit Nicolaus Orlandinus.

Ad meliorem porrò vitam anno 1555. Ignatius transfijt, à Paulo V. Papa anno 1609. inter Beatos relatus. Vitam eius litteris consignarunt Ribadineira & Maffei.

Ceterùm hoc Societati proprium est, perpetuò suos, sponse voti addita, habere promptos ad obsequium Rom. Pontificis, vt quocumque ille iusserit Euangelij causa, sine recusatione contendant. Proprium item, toto orbe terrarum gymnasia aperire, ad iuventutem non modò liberalibus disciplinis, verùm etiã Christianis moribus imbuendam. Proprium denique, catechesim seu Christiane doctrinæ elementa pueris & imperitæ multitudini passim tradere.

\* \* \*

S 4

CA-

## CAPVT V.

*De Congregatione Oratorij in Italia.*

Congregatio Oratorij, quæ est sæculariũ, vt vocant, Sacerdotum in cõmuni viuentium, conditorem agnoscit B. *Philippum Nerium* Florentinum, qui anno ætatis 80. Christi 1595. Romæ viuere desijt. Vitam eius scripsit *Antonius Gallonius*, eiusdem Congregationis presbyter.

Ex eadem Congregatione fuere, *Cæsar Baronius*, Annalium Ecclesiasticorum conditor, postea Cardinalis, *Thomas Bozius*, & alij viri doctrina vitæque integritate clari quàm plurimi.

Præter Romanum, exstant varijs in locis Oratoria constructa non pauca, puta *Neapolitanum*, *Septempedanum*, *Anxanum*, *Lucense*, *Firmanum*, *Panormitanum* in Sicilia, *Fanense*, *Patauinum*, *Vicentinum*, *Ferrariense*, *Tononense* in diocesi Geneuensi apud *Allobroges* & *Foroiulense* in Provincia apud *Francos*.



## CAPVT VI.

*De Congregatione Oratorij in Gallia,  
Belgio, vicinisque prouin-  
cijs.*

**B.** Philippi Nerij exemplo motus *D. Petrus Berulius*, vir generis nobilitate, morum vitæque integritate, ac doctrina clarissimus, Congregationem Oratorij in regno Gallia, maximo Ecclesie bono, temporibus Ludouici XIII. Regis excitauit, Paulo V. Papa approbante, & Gallicanis Episcopis quàm maximè applaudentibus ac promouentibus.

Ac primum quidem Parisijs Oratorium *Berulius* instituit: post quod alia toto regno sunt ædificata, vt *Rotomagense, Lugdunense, Tolosanum, Rupellense, Salmuriense, Montmorentianum, & cætera.*

Sic & postea in Burgundia Comitatu, atque in Belgicis prouincijs Oratoria summo fructu sunt instituta; fauentibus in primis Ser.<sup>mis</sup> Belgarum Principibus *Alberto & Isabella Clara Eugenia.*

\* \* \*  
\* \* \*

§ §

GA



## CAPVT VII.

*Ordo Ministrantium infirmis.*

1586. **C**ongregatio Clericorum Ministrantium infirmis sumpsit exordium ab admodum R. P. *Camillo Lelio, de Sellis*, Theatinæ diocesis, anno à virgineo partu millesimo quingentesimo octogesimo quarto, aut sexto: qui cum quibusdam suis socijs, scilicet P. *Francisco Propheta*, P. *Bernardino Norcino*, P. *Curtio Lodio* & P. *Blasto de Opertis*, huius congregationis obtinuerunt approbationem à Sixto V. Summo Pontifice, anno salutis millesimo quingentesimo octogesimo sexto. Quæ quidem cōgregatio postmodū à Gregor. XIII. anno Domini millesimo quingentesimo nonagesimo primo fuit innumeris decorata priuilegijs. Dicitur P. *Camillus* fuit primus Prefectus Generalis prædictæ congregationis, maxima cum laude, animarum salute, Congregationisque profectu.

1586.

1591.

Bulla Sixti V. exstat in Bullario Regularium Emanuelis Roderici.

\* \* \*

## CAPVT VIII.

*Ordo Clericorum Regularium  
Minorum.*

Congregatio Clericorum Regularium Minorum principium habuit in ciuitate Neapolitana ab admodum R. P. *Augustino Adornio* Genuensi, & aliquot eius socijs, videlicet *Ioanne Francisco*, & *Fabricio* illustrissimæ familiæ *Caracciolorum*, sub Sixto V. Summo Pontifice, anno Domini millesimo quingentesimo octogesimo octauo aut nono; 1589. fuitque postmodum confirmata à Gregorio XIII. & à Clemente VIII. & priuilegia Patrū Theatinorum fuerunt eisdem concessa, adeoque omnium aliorum Mendicantium, per viam participationis. In vrbe Neapolitana sacratissimum & antiquissimum templum sanctæ Mariæ Maioris cum continuis ac feruentissimis orationibus, alijsque carnis macerationibus, summa cum laude ac proximorum salute inhabitant. Qui quidem P. Augustinus Neapoli, biennio ferè post supradictæ congregationis foundationem, sanctissimo fine quieuit.

In vrbe Roma dicti Clerici Regulares minores conuentum habent ad S. *Laurentium in Lucina*, & alterum ad S. *Agnetem in Agone*.

CA-

CAPVT IX.

*Congregatio Clericorum seu Presbytero-  
rum B. Mariae Magdalena.*

**H**AEC Congregatio alio nomine dicitur  
Congregatio Clericorum de Penitentia,  
estque instituta Romæ initio Ponti-  
ficatus Clementis Octavi. de fun-  
datore nihil adhuc  
comperi.

*Finis libri quarti.*

